



Broj: 12/08-27-4969-5/17
Zenica, 09.06.2017.godine

Na osnovu člana 70. stav (1), (2) i (3) Zakona o javnim nabavkama ("Službeni glasnik BiH" broj:39/14) i Zapisnika o pregledu i ocjeni ponuda, broj:12/08-27-4969-4/17 od 23.05.2017.godine, u pregovaračkom postupku javne nabavke bez objave obavještenja sa jednim ponuđačem, direktor Kantonalne direkcije za ceste Zeničko-dobojskog kantona donosi:

ODLUKU
o izboru najpovoljnijeg ponuđača

I

U pregovaračkom postupku javne nabavke bez objave obavještenja sa jednim ponuđačem za usluge održavanja baze infrastrukture podataka SUGOC-a, odnosno usluge održavanja postojeće baze cestovnih podataka i održavanja regionalnih cesta na području Zeničko-dobojskog kantona, ponuda grupe ponuđača „TEB INFORMATIKA“ d.o.o. Zagreb i „TEB INFORMATIKA“ d.o.o. Sarajevo izabrana je kao najpovoljnija.

II

Grupa ponuđača „TEB INFORMATIKA“ d.o.o. Zagreb (MB: 1686798, OIB 21203480510), adresa Vončinina broj 2. Zagreb i „TEB INFORMATIKA“ d.o.o. Sarajevo (ID broj: 4201417430008) , adresa Zmaja od Bosne 7-7a, Srajevo, je u skladu sa zahtjevima iz tenderske dokumentacije uz ponudu dostavio dokumente iz člana 45. stav (2) tačka od a) do d) Zakona o javnim nabavkama BiH („Službeni glasnik BiH“ broj 39/14).

U skladu sa članom 72. Stav (2) i 98. stav (2) tačka a) Zakona o javnim nabavkama BiH („Službeni glasnik BiH“ broj: 39/14) ugovorni organ zaključit će ugovor sa najpovoljnijim ponuđačem iz tačke I i II ove Odluke.

Obrazloženje

Kantonalna direkcija za ceste donijela je Odluku o pokretanju pregovaračkog postupka bez objave obavještenja broj: 12/08-27-4969/17 od 14.04.2017.godine, o nabavci usluga iz člana 21. stav (1) tačka c) Zakona o javnim nabavkama Bosne i Hercegovine ("Službeni glasnik Bosne i Hercegovine", broj: 39/14), kojim je propisano da ugovorni organ može ugovor o nabavci dodjeljivati putem pregovaračkog postupka bez objave obavještenja kada se iz suštinskih, dokazivih tehničkih ili umjetničkih razloga, ili iz razloga koji se odnose na zaštitu ekskluzivnih prava, ugovor može dodijeliti samo određenom dobavljaču.

U skladu sa članom 28. Stav (4) Zakona o javnim nabavkama Bosne i Hercegovine ("Službeni glasnik Bosne i Hercegovine", broj: 39/14), ugovorni organ objavio je na svojoj internet stranici www.zdk.ba informaciju o pregovaračkom postupku bez objave obavještenja o nabavci koji namjerava provoditi na način da je tendersku dokumentaciju učinio dostupnom za sve zainteresovane ponuđače.

Ponuđač je su u skladu sa tenderskom dokumentacijom blagovremeno dostavio početnu ponudu.

Komisija za javne nabavke imenovana rješenjem broj: 12/08-27-4969-3/17 od 17.05.2017. godine, izvršila procjenu početne/inicijalne ponude prema obliku, sadržaju i cjelovitosti i konstatirala da je ponuda dostavljena u skladu sa uvjetima i kriterijima koji su utvrđeni u tenderskoj dokumentaciji. Nakon izvršene provjere kvalificiranosti ponuđača i analize početnih ponuda, komisija je utvrdila da se ponuđač izjasnio da je njegova početna ponuda ujedno i konačna.

Komisija ocijenila da ponuda ispunjava sve kriterije iz tenderske dokumentacije i predložila je ugovornom organu, da donese Odluku o odabiru najpovoljnije ponude za grupu ponuđača „TEB INFORMATIKA“ d.o.o. Zagreb i „TEB INFORMATIKA“ d.o.o. Sarajevo u iznosu od 16.800,00 KM bez PDV-a odnosno 19.654,00 KM sa PDV-om.

Ugovorni organ prihvatio je preporuku Komisije za javne nabavke da se najpovoljnijem ponuđaču dodijeli ugovor za usluge održavanja baze infrastrukture podataka SUGOC-a, odnosno usluge održavanja postojeće baze cestovnih podataka i održavanja regionalnih cesta na području Zeničko-dobojskog kantona za period od jedne godine.

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Ugovorni organ će u skladu sa članom 70 i 71. Zakona o javnim nabavkama, Odluku o izboru najpovoljnijeg ponuđača dostaviti svim učesnicima postupka zajedno sa Zapisnikom o pregledu i ocjeni inicijalnih i konačnih ponuda.

Pouka o pravnom lijeku:

Protiv ove Odluke može se izjaviti žalba Kantonalnoj direkciji za ceste Zeničko-dobojskog kantona u roku od 30 (trideset) dana od dana objave obavještenja o dodjeli ugovora, a u skladu sa članom 101. stav (4) Zakona o javnim nabavkama BiH („Službeni glasnik BiH“ 39/14), na način propisan članom 99. Zakona o javnim nabavkama BiH („Službeni glasnik BiH“ 39/14).

Dostavljeno:

- 1 x Najpovoljniji ponuđač,
- 1 x Službena web stranica ugovornog organa,
- 1 x a/a.

